

Pepa o Fa'amatalaga

CENIC-NZ



Building 507, Level 1
28 Park Ave,
Grafton, Auckland, New Zealand
T 0800 367 644

Ulutala o le Su'esu'ega: CENIC II New Zealand Supplement. Finagalo, Popolega, Manaoga ma Fa'amoemoega i le Fa'aitiitia o le Nikotini i Tapa'a (*Perceptions, Concerns, Needs and Intentions Related to Reducing Nicotine in Combusted Tobacco*)

Fa'atupeina: Wake Forest University School of Medicine, USA (NIH Grant)

Ta'ita'iulu o le Su'esu'ega i Niu Sila: Polofesa Chris Bullen

'Ausu'esu'e o le Ā'oga Fa'afoma'i a le Iunivesete a Wake Forest: Polofesa Eric Donny ma Polofesa Lagolago Rachel Denlinger-Apte

Numera o le Su'esu'ega mo Feso'ota'iga: 0800367644

Numera Fa'asino a le Komiti o Faiga Talafeagai i Su'esu'ega: 2023 AM 12747

Ua vala'auliaina oe e te auai i se su'esu'ega e fa'asoai mai ai ou manatu, popolega ma manaoga o se tagata e taumafa tapa'a, e uiga i le Fuafuaga Fa'atino mo Aotearoa Niu Sila e Taofia le Ulaula 2025.

O lau lava filifiliga i lou auai pe leai foi. Afai e te lē fia auai, e te lē tau tu'uina mai se mafuaaga. Afai e te fia auai i le taimi nei, ae toe sui lou mafaufau i se taimi o i luma, e mafai ona e fa'ama'amulu mai le su'esu'ega i soo se taimi lava.

O lenei Pepa o Fa'amatalaga o le 'a fesoasoani ia te oe e fai ai lau filifiliga pe e te fia auai. O loo fa'amatalaina ai le mafuaaga o loo matou faia ai lenei su'esu'ega, e aofia ai lou auai, o aogā ma lamatiaga e ono tula'i mai, ma o le ā le mea e tupu i le mae'a ai foi o le su'esu'ega.

E te lē tau mafaufau i le asō e te auai i lenei su'esu'ega. A'o le'i faia lau filifiliga, ia sa'oloto lou talanoa atu i ou tau 'āiga, 'āiga, uo, poo le 'ausu'esu'e poo le 'aufaigaluega o loo saunia lou tausiga fa'alesoifua mālōlōina e pei o lau Foma'i Fa'ale'āiga.

Afai e te malie e te auai i lenei su'esu'ega, o le 'a talosagaina oe e saini sau pepa o le maliega i luga o le initaneti, e fua i luga o lenei pepa o fa'amatalaga ma le pepa o le maliega, ma o loo maua foi i le Gagana Māori, Toga ma le Fa'asamoa. E mafai ona e tōina mai i lalo se kopi o lenei pepa o fa'amatalaga mo lou silafia poo le mauaina o le su'esu'ega i luga o le initaneti i soo se taimi lava e aumai ai sau kopi. O lenei vaega e i lalo ifo e ta'ua o le 'O le ā aofiaga o lo'u auai i le su'esu'ega?' e mafai ona e mauaina nisi o fa'amatalaga e uiga i tulaga o le fa'agasologa.

E 10 itulau le telē o lenei pepa o fa'amatalaga, e aofia ai le Pepa o le Maliega. Fa'amolemole ia fa'amautinoa ona e faitau ma malamalama i itulau uma.

O le ā le ‘auga o lenei su‘esu‘ega?

O lenei su‘esu‘ega o loo fa‘atauaia lea e le ‘ausu‘esu‘e a le Iunivesete a Aukilani ma le Ā‘oga o le Fa‘afoma‘i a le Iunivesete a Wake Forest i Amerika. O Polofesa Chris Bullen o le ta‘ita‘iulu o le su‘esu‘ega lenei i Niu Sila. O Polofesa Bullen o se tagata su‘esu‘e i soifua mālōlōina e fa‘amautū i le ofisa su‘esu‘e e ta‘ua o le National Institute for Health Innovation (NIHI), i le Ā‘oga o le Soifua Mālōlōina o Tagata Aofa‘i, i le Iunivesete a Aukilani i Niu Sila. O Polofesa Eric Donny, Wake Forest University School of Medicine USA, o se tagata su‘esu‘e e iai Iona naunauta‘iga fa‘apitoa i le iloiloina o tulaga fa‘atonuina o nikotini fou mo sikareti ma ua ia mauaina se tupe mai le National Institute for Health (NIH) e fa‘auma ai lenei su‘esu‘ega.

Mo lenei su‘esu‘ega o le ‘a matou fa‘atuina ai se kulupu o tagata e ulaula matou te mulimulita‘i mo se taimi a‘o fa‘agasolo le Fuafuaga Fa‘atino o le Taofi le Ulaula i Aotearoa Niu Sila 2025. Matou te mananao e malamalama i o latou finagalo e uiga i taumafa sikareti a‘o fuafuaina ai e le mālō o Niu Sila e sui fuafuaga fa‘atatau e tau i tapa‘a.

O le ‘a matou aoina ni finagalo o tagata e auai e ala lea i ni fa‘asologa o su‘esu‘ega pupu‘u i le initaneti ma mo tagata auai e finagalo malilie i ai, o le ‘a iai ma se fa‘aopoopoga e tasi o le fa‘atalanoaga i luga o le telefoni ma/poo se asiasiga fesaga‘i.

O iuga mai lenei su‘esu‘ega o le ‘a fa‘aaogāina e fa‘ailoa atu ai i le mālō o Niu Sila i tulaga fa‘avae ma faiga o tapa‘a, o le Fuafuaga Aotelega a le US Food and Drug Administration mo Tulafono mo Tapa‘a ma Nikotini ma fesoasoani e fuafuaina se su‘esu‘ega fou e fa‘atatau i le aafiaga o le tapa‘a e maulalo le nikotini i totonu o Niu Sila.

E fa‘apefea ona faia lenei su‘esu‘ega

O lenei su‘esu‘ega o le ‘a amata mai ia lulai 2022 se‘ia tau ia Mati 2024. O le faiga muamua, o le ‘a matou fesili i tagata e auai e ala atu i le Horizon Research Limited, e i Aukilani, o se kamupani su‘esu‘e e fa‘apitoa i le faiga o su‘esu‘ega i luga o le initaneti. I se taimi o i luma, o le ‘a matou fa‘aaogāina foi le ālaleo lautele (social media) ma fa‘atosina sa‘o poo le feso‘ota‘i i kulupu i totonu o le komiuniti/ poo ē e saunia tausiga fa‘alesoifua mālōlōina e fa‘ailoa atu i tagata e uiga i le auai i le su‘esu‘ega.

Muamua, o le ‘a e tali i ni fesili e fesoasoani ia i matou e iloa ai pe mafai ona e auai i le su‘esu‘ega.

Afai e te malie e te auai, o le ‘a vala‘auliaina oe e te auai i le “Kulupu mo Finagalo Fa‘aalialia i Tapa‘a” ma e 3 ni kulupu ulaula eseese. O le ‘a matou fa‘aaauauina ona saili tagata e auai se‘ia maua le ta‘i 150 o tagata auai i kulupu ta‘itasi nei.

O tagata auai ta‘ito‘atasi o le ‘a talosagaina e fa‘atumu pe ā ma le 5 su‘esu‘ega e i luga o le initaneti pe tusa ia Mati 2024.

Ina ia iloiloina se tulaga fia auai i su‘esu‘ega i le lumanai o le ‘a matou fesiligia foi finagalo o tagata pe fia auai i se fa‘atalanoaga ta‘ito‘atasi i luga o le telefoni poo le zoom.

Ina ia iloiloina se tulaga fia auai i su'esu'ega i le lumanai o le 'a matou fesiligia foi tagata auai pe finagalo e latou te saunia mai se 'oto'otoga o fāūa (se'i vagana ua mae'a tu'uina mai se oto i le taimi o fa'atalanoaga i le asiasiga ta'ito'atasi) e teuina i pusa'aisa malō i le lunivesete a Aukilani mo le 'ausu'esu'e e su'esu'eina mo le fa'aaogāina poo le taumafaina o le tapa'a ma le nikotini i se taimi o i luma. E leai nisi su'esu'ega e faia i fāūa ua tu'uina mai.

Afai matou te mauaina se isi vaega tipe, matou te fa'amoemoe ia tumau pea le kulupu o tagata masani lava nei mo nisi su'esu'ega e i tua atu o Mati 2024. O le 'a matou fa'aihoa atu i tagata su'esu'e ua latou fa'atumuina le Su'esu'ega lona 4 e uiga i ni avanoa mo su'esu'ega i le lumanai.

O ai e mafai ona auai i le su'esu'ega?

O tagata e agava'a i tulaga o loo ta'ua ifo i lalo e mafai ona auai i le su'esu'ega:

- 18 tausaga pe sili atu le matua
- Fa'aihoa mai e ulaula pe tasi le aso i masina ta'itasi. ("tagata o loo ulaula pea") poo ua
- Fa'aihoa mai e masani ona ulaula, ae ua lē toe ulaula MA ua tu'u le ulaula e ala lea i le fa'aaogāina o sikaleti ma tapa'a ulaula i totolu o le 12 masina ua tuana'i. ("tagata ua tu'u le tapa'a") poo ua
- Fa'aihoa mai latou te lē masani ona ulaula. ("e lē ulaula")
- Ioe e fa'atumuina su'esu'ega pupu'u pe tusa ma le 5 i luga o le initaneti
- Mafai ona tautala, faitau ma malamalama i le Gagana Peretania poo le Gagana Māori poo le Fa'atoga poo le Fa'asamoa
- Tagatanu'u (sitiseni) o Niu Sila poo le tagata nofomau

O le ā le tulaga o lou auai ai i le su'esu'ega?

Afai e te fia auai, o le 'a talosagaina oe e saunia sau maliega i luga o le initaneti a'o le'i fa'atumuina le su'esu'ega muamua. O le Su'esu'ega 1a e fesiligia ai lou fa'asinomaga o lou tupuaga, fa'aaogāina o le nikotini ma le tapa'a, fa'aaogāina o le 'ava malosi ma maruana ma lou soifua manuia. O nisi Su'esu'ega (1b, 2, 3 ma le 4) e fesiligia ai oe e uiga i sou finagalo fa'aalia e tau i le ulaula ma le Fuafuaga Fa'atino e Taofi le Ulaula i Aotearoa 2025. E lē sili atu ma le 10 minute e fa'atumu ai nei su'esu'ega i luga o le initaneti.


O lenei pepa o fa'amatalaga ma le pepa o le maliega ma pepa o su'esu'ega o loo Fa'aperetaniaina i luga o le upegatafa'ilagi a le Horizon Research Ltd. O lea la, afai e lē mafai ona e tautala, faitau pe malamalama i le Fa'aperetania ma e te fia auai i le su'esu'ega, e ono saunia atu sau kopi o le pepa o fa'amatalaga ma le pepa o le maliega lenei e fa'aliliuina i le Gagana Māori, Samoa ma le Gagana Toga. Afai e te malie e te auai, o le 'a pu'eina lau maliega i luga o le initaneti ma o fa'amatalaga o su'esu'ega o le 'a fa'aliliuina i le gagana tautala mo oe. O au tali o le 'a pu'euina i le su'esu'ega i luga o le initaneti e le fa'amatala'upu. O le fa'amatala'upu e ono o sē tasi o lou 'āiga, o se tagata faigaluega o le soifua mālōlōina poo se isi sui o le komiuniti e te talitonuina. O soo se taimi e te fa'atumuina ai le su'esu'ega e fa'aaogāina ai se fa'amatala'upu, o le 'a matou fa'amauinu au tali e tu'uina mai i lenei auala. Matou te faia lea tulaga e mafai ai ona matou siakiina atu ia te oe au tali, i se taimi o i luma, ina ne'i iai sou popolega poo lou 'āiga foi e uiga i fa'amatalaga o au tali o le su'esu'ega.

Fa'atalanoaga i le telefoni

I le Su'esu'ega 1b matou te fesili atu pe e te fia auai i se fa'atalanoaga i le telefoni o lau filifiliga lea ma le 'ausu'esu'e a le lunivesete a Aukilani (e fa'aalu ai le 30-45 minute) e talanoaina ai le Fuafuaga Fa'atino o le Taofi le Ulaula i Aotearoa 2025 a le mālō. O le taimi nei o le fesili lava lea o loo faia e iloilo ai tulaga o le fia auai i su'esu'ega i le lumanai.

O le 'a tapā oe mo sau maliega e auai ai i le amataga o le fa'atalanoaga. O fa'atalanoaga o le 'a faia lea e le 'aufaigaluega mai le NIHI mai le lunivesete a Aukilani ma o le NIHI o le 'a faia foi ni taumafaiga e saunia ai ni tagata faifa'atalanoaga e talafeagai ma lou fa'asinomaga fa'aleaganu'u.

O au talanoaga o le 'a pu'eina i masini ma tusitusia, o upu-i-le-upu, i le mae'a ai o le fa'atalanoaga e iloiloina e le 'ausu'esu'e. Mo lou puipuiga, o lou suafa ma ni fa'amatalaga e uiga ia te oe poo nisi tagata o le 'a lē tu'u'esea mai le pepa tusitusia. O le siata o loo i lalo o le 'a fa'aali ai le faiga o le fa'agasologa o le su'esu'ega:



Su'esu'ega laitiiti o le Āoina o le Fāūa

I le Su'esu'ega 2 e fesiligia ai pe e te fia aoina (otoina) mai se fāūa. O le taimi nei o loo matou fesiligia lea tulaga e iloilo ai le fia auai i su'esu'ega i le lumanai. O lea tulaga e mafai ai e le 'ausu'esu'e a le lunivesete a Aukilani ona su'esu'eina mo ni molekiule fa'aiilo e maua i le tino e fa'aiiloa mai ai le taumafa lata mai o le tapa'a ma le nikotini. O tagata ua malilie e tu'uina mai se vaega ('oto'otoga) o le fāūa o le 'a lafoina atu i ai se pepa e fa'aaogāina e oto ma teuina ai le fāūa ma toe lafoina lea vaega i le 'ausu'esu'e i le meli puipuia. O fāūa ua aoina o le 'a teuina i le pusa'aisa e fa'amalōina i le -80C i le lunivesete a Aukilani mo iloiloga i le lumanai mo ni molekiule fa'aiilo e maua i le tino e iloa ai le fa'aaogāina o le nikotini ma oloa tau tapa'a e pei o sikaleti ulaula, NRT poo veipa (vapes). E lua fa'aiologa molekiule o loo fuafuaina: Nicotine metabolite ratio (NMR) ma le Cotinine (o se vaega o le nikotini ua vavae ese). E leai nisi su'esu'ega e faia i fāūa.

O lou fāūa o le 'a teu malu i le pusa'aisa malō mo le 60 masina (pe tusa ma le 5 tausaga) ma lafoa'i e tusa ai ma aiaiga a le lunivesete a Aukilani.

E ono iai ni ou talitonuga i se tulaga paia ma le tāua o mea uma poo ni oloātapu (tissue samples) mai le tino. O faiga fa'aleaganu'u e feso'ota'i i le teuina o oloātapu e tatau ona talanoaina ma lou 'āiga e talafeagaia ai. E iai ni finagalo fa'aalia eseeese a Maori i tulaga nei; e iai nisi tau 'āiga lautele (iwi) e lē auai ai i lea talitonuga o le teuina o oloātapu ua finau mai i le tulaga o le fa'asinomaga o le tagata ma fautuina o latou tagata e talanoa muamua a'o le'i auai i su'esu'ega e faia ai nei tulaga. 'Ae ui i lea, e iai lava le aiā tatau a le tagata e filifili ai.

Afai e te finagalo i ai, o le 'a faia se tatalo i le taimi matou te lafoa'i ai oloātapu. E lē mafai ona matou toe fa'afō'iina atu ia te oe ou oloātapu, ona o se avanoa o se siama pipisi o loo ola ai. E leai se oloātapu o le 'a lafoina i atunu'u' mamao.

O le maliega mo le 'oto'otoga o le fāua o le 'a maua atu i le Su'esu'ega 2.

O a ni lamatiaga ma aogā o lenei su'esu'ega?

E leai ni aogā tu'u sa'o atu ia te oe mo le auai ai i lenei su'esu'ega, 'ae o lou auai o le 'a fesoasoani ia i matou e malamalama ai finagalo o tagata i le Fuafuaga Fa'atino mo le Taofi le Ulaula i Aotearoa 2025. O lenei fa'amatalaga e ono fesoasoani i fa'aiuga e faia e le malō i Niu Sila ma le lalolagi e uiga i le fa'atonutonuina o oloa tau tapa'a.

Matou te lē iloa ni lamatiaga mo lenei su'esu'ega. 'Ae ui i lea, mo nisi tagata, o fesili e fa'atatau i le ulaula, 'ava malosi poo le soifua mālōlōina fa'alemafaufau e ono fa'alēfiafia. Afai e te lagonaina lou lē fiafia, e iai le fesoasoani e lē totogia ma e malu puipuia e maua lea i laina o feasoasoani nei:

- National helpline. Telefoni poo le text e lē totogia 1737 i soo se taimi mo se fesoasoani mai se faufautua ua a'oa'oina
- Quitline on 0800 778 778 mo se fesoasoani ma fautua e uiga i lou ulaula
- Alcohol Drug Helpline' on 0800 787 797, afai e te popole lava ia te oe poo se isi ona o le 'ava malosi

O le ā le mea e tupu i a'u fa'amatalaga?

A'o fa'agasolo lenei su'esu'ega, o le 'ausu'esu'e o le 'a fa'amauinā fa'amatalaga e uiga ia te oe ma lou auai ai i le su'esu'ega. E aofia ai ma tali o fesili o le su'esu'ega ma fa'atalanoaga. E lē mafai ona e auai i lenei su'esu'ega pe afai e te le'i tu'uina mai lau maliega i le aoina o lenei fa'amatalaga.

Fa'amatalaga e Fa'ailoaina ai

O fa'amatalaga e fa'ailoaina ai o se fa'amatalaga e ono fa'ailoaina ai oe (ftg. o lou suafa, aso fanau, poo le tuatusi).

O kulupu o tagata o loo ta'ua i lalo e ono mauaina ou fa'amatalaga e fa'ailoaina ai oe:

- Tagata su'esu'e ua fa'atagaina e fa'atautaia su'esu'ega ma fa'atalanoaga, 'otoina o le fāua ma pupuni fa'amatalaga fa'ailoa
- 'Aufaigaluega i Falesu'esu'e, e faia su'esu'ega o lou fāua, pe afai e te i le kulupu na aoina fāua

- O le komiti o faiga tatau poo fa'ålapotopotoga a le mālō o Niu Sila poo atunu mamao, pe afai e su'etusiina le su'esu'ega. O su'etusiina e faia lea ia mautino a o loo puipua tagata auai, o loo fa'atino ma le talafeagai le su'esu'ega, ma o fa'amatalaga ua aoina e sa'o.
- E seāseā lava, ae e ono manaomia mo Polofesa Bullen e fa'asoou fa'amatalaga ma nisi tagata. Fa'ata'ita'iga, afai e iai se fa'amata'u mata'utia i le soifua mālōlōina ma le saogalemu o tagata lautele, poo le soifua poo le soifua mālōlōina o oe poo se isi tagata, poo ua manaomia mai fa'amatalaga ona o ni tulaga fa'aletulafono.

Fa'amatalaga ua Lē Fa'aiiloaina ai

Ina ia fa'amautino a o loo malu puipua ou fa'amatalaga, o fa'amatalaga e fa'aiiloaina ai oe o le 'a lē aofia i soo se lipoti poo se tusitusiga a NIHI poo soo se fa'amatalaga e lafona i le 'ausu'esu'e a le Wake Forest University School of Medicine. 'Ae ui i lea, o le 'a fa'aigoa fa'apitoa au fa'amatalaga i se numera ma mata'itisi fa'apitoa pe 'a manaomia.

O kulupu o loo i lalo ifo e ono mafai ona mauaina ou fa'amatalaga ua fa'anumeraina fa'apitoa:

- O le 'ausu'esu'e a NIHI ma Wake Forest University School of Medicine i Amerika, mo mafuaaga tau i lenei su'esu'ega
- O fa'ålapotopotoga e fa'atonutonuina poo nisi fa'ålapotopotoga a le mālō i Niu Sila ma Amerika

O iuga o fa'amatalaga ua fa'aigoa fa'apitoa o le 'a lafona i atunu'u mamao i kulupu o loo tā'ua i lalo:

- O le 'ausu'esu'e i Wake Forest University School of Medicine, i Amerika, mo mafuaaga o iloiloga fa'aopoopo fa'afuainumera (statistical analyses). O le fesi'ita'iga o fa'amatalaga i le Wake Forest University School of Medicine o le 'a i lalo o aiaiga e manaomia ai puipuiga tutusa mo fa'amatalaga a ē o loo i lalo o tulafono fa'alilolilo i Niu Sila.

O iuga o le su'esu'ega e ono lomia pe folasia, 'ae e lē i se tulaga e ono fa'aiiloaina ai oe.

Saogalemu ma le Teuina o Ou Fa'amatalaga

O fa'amatalaga e fa'aiiloaina ai oe e teuina i se polokalame teu fa'ainitaneti i Niu Sila e fa'agaioia e le Iunivesete a Aukilani ma le Horizon Research Limited i le fa'agasologa o le su'esu'ega. O fa'amatalaga e lē fa'aiiloaina ai se isi e lafo lea i le Wake Forest University ma e teuina i le polokalame teu fa'ainitaneti o loo i Amerika.

O ou fa'amatalaga ua fa'aigoa fa'apitoa o le 'a teu malu i se polokalame saogalemu, e teu fa'ainitaneti mo le 10 tausaga. O teuga uma e usitaia ta'iala fa'alotoifale ma/poo fa'avāomālō i tulaga o le saogalemu o fa'amatalaga.

Lamatiaga

E ui o ni faiga e puipui ai lou fa'alilolilo, e lē mautino a le fa'aliloina atoa o ou fa'amatalaga. E ui lava i le fa'aigoa fa'apitoa ma lē fa'aiiloaina oe i fa'amatalaga, e leai se mautino a o le 'a lē fa'aiiloaina oe.

O le lamatiaga o le mauaina ma le fa'aaogāina fa'alētatau o ou fa'amatalaga (ftg. e fa'afaigata ia te oe e maua pe mauaina se galuega poo se inisiua o le soifua mālōlōina) i le taimi nei e laitiiti lava se tulaga fa'apena 'ae e ono fa'atupula'ia i le lumanai ona o auala fou e maua e tagata e saili ai fa'amatalaga.

Aiā e Mauaina ai Ou Fa'amatalaga

E iai lau aiā e talosaga e te mauaina ai ou fa'amatalaga o loo teuina e le 'ausu'esu'e. O lou mauaina ai poo le faia o se fa'asa'oga, o le fa'ata'ita'iga, o le mea na aoina mai ai fa'amatalaga o se vaega o fa'amatalaga o le su'esu'ega ma e taūa ina ia atagia fa'amatalaga na mua'i saunia i lena taimi. Afai e iai ni au fesili e uiga i le aoina ma le fa'aaogāina o fa'amatalaga e uiga ia te oe, e tatau ona e fesili ia Polofesa Chris Bullen, (fa'amatalaga mo feso'ota'iga o loo i le itulau e 8).

Aiā e Tapē ai Ou Fa'amatalaga

E ono mafai ona e ave'eseina mai lau maliega mo le aoina ma le fa'aaogāina o au fa'amatalaga i soo se taimi lava, i le fa'afeso'ota'i lea o Polofesa Chris Bullen i se tusitusiga (fa'amatalaga mo feso'ota'iga o loo i le itulau e 8).

I le taimi lea, o lou auai ai i le su'esu'ega e uma ai, ma o le 'a taofi ai foi le 'ausu'esu'e ona toe aoina mai ia te oe ni fa'amatalaga.

Afai e te malie i ai, o fa'amatalaga ma iuga o ni su'esu'ega na aoina mai seia oo i le taimi na e alu ese ai ma le su'esu'ega o le 'a fa'aaauau pea, se'i vagana ua e alu ese mai le taimi ua faia ai le iloiloga o le su'esu'ega.

Pulega o Fa'amatalaga a Māori

O le Pulega o Fa'amatalaga a Māori o se tulaga lea e puipui ai fa'amatalaga ma le malamalama e uiga (pe na maua mai) tagata Māori. Matou te fa'aaloalo i measina o fa'amatalaga ua aoina mo lenei su'esu'ega. Ina ia fesoasoani e puipui nei measina:

- Ua matou talanoa ma Dr George Laking (Te Whakatohea), mai le lunivesete a Aukilani, e uiga i le aoina, puleaina, ma le fa'aaogāina o fa'amatalaga o le su'esu'ega mai tagata auai a Māori.
- O le 'a mafai ona mauaina e fa'alapotopotoga a Māori ni fa'amatalaga e fa'aigoa fa'apitoa, mo le fa'aaogāna e aogā mo Māori.
- O le 'a iloiloina e le 'ausu'esu'e o le soifua mālōlōina a Māori ni iuga o le su'esu'ega ma le fa'aliliuga e i latou a'o le'i fa'aiiloaina iuga i nisi e ala i lomiga ma folasaga.

E mafai ona ou mauaina iuga o le su'esu'ega?

E mafai ona talosaga e tagata auai se 'oto'otoga o le su'esu'ega pe afai ua maua le lipoti mulimuli o le su'esu'ega (pe tusa ma le iva masina pe 'a mae'a le su'esu'ega).

O ai o Fa'atupeina le su'esu'ega?

O lenei su'esu'ega o loo fa'atupeina i se foa'i a se National Institutes of Health (NIH) i Amerika ua tu'uina atu ia Polofesa Eric Donny i le Wake Forest University School of Medicine.

E iai se totogi?

O se fa'afetai atu ai i lou auai i lenei su'esu'ega, o tagata auai o le 'a toe totogi atu i auala o loo tā'ua i lalo

- \$100 meaalofa tuge i se se'i i masina ta'itasi mo tagata auai e fa'atumuina atoa su'esu'ega
- E \$200 se togi tautupe o le se'i i le fa'aiuga o le su'esu'ega mo tagata na fa'atumuina atoa su'esu'ega
- \$20 mo tagata auai e maua mai ai se 'oto'otoga/vaega o se fāūa (su'esu'ega i le lumanai)
- \$50 mo i latou e auai i le fa'atalanoaga ta'ito'atasi i luga o le telefoni (su'esu'ega i le lumanai)
- \$50 se togi tautupe mo le fa'asinoina mai o uo poo ni sui o le 'āiga e auai i le su'esu'ega.

O ai ua fa'atagaina lenei su'esu'ega?

Ua fa'atagaina lenei su'esu'ega e se kulupu tuto'atasi a tagata e ta'ua o le Health and Disability Ethics Committee (HDEC), o ē e siakiina su'esu'ega ia mulimulita'i i aiaiga tatau tau i su'esu'ega. Ua fa'atagaina e le komiti e ta'ua o le Central Health and Disability Ethics Committee lenei su'esu'ega.

O ai ou te fa'afeso'ota'iina mo nisi fa'amatalaga poo ua iai foi ni o'u popolega?

Afai e iai ni au fesili, popolega, poo ni fa'aseā e uiga i le su'esu'ega i soo se taimi lava o le fa'agasologa o le su'esu'ega, e mafai ona e fa'afeso'ota'i:

Igoa: Polofesa Chris Bullen

Telefoni: 021415267

Imeli: c.bullen@auckland.ac.nz

Afai e te fia talanoa i se tagata e lē o i le su'esu'ega, e mafai ona e fa'afeso'ota'i se sui tuto'atasi o le soifua mālōlōina ma manaoga fa'apitoa i le:

Telefoni: 0800 555 050

Fax: 0800 2 SUPPORT (0800 2787 7678)

Imeli: advocacy@advocacy.org.nz

Upegatafa'ilagi: <https://www.advocacy.org.nz/>

Mo le fesoasoani fa'aleaganuu mo Māori, fa'amolemole fa'afeso'ota'i:

Igoa : Dr George Laking (Te Whakatohea)

Imeli: g.laking@auckland.ac.nz

Mo le fesoasoani fa'aleaganuu mo Pasefika, fa'amolemole fa'afeso'ota'i:

Igoa : Associate Professor Vili Nosa

Imeli: v.nosa@auckland.ac.nz



O le fa'atumuina o lenei pepa o le maliega i le initaneti ua ou malie e:

Ua ou faitau, ua mae'a faitau mai ia te a'u, ma ua ou malamalama i le Pepa o Fa'amatalaga mo Tagata Auai.

Ua lava le taimi ou te mafaufau ai pe auai pe leai foi i lenei su'esu'ega.

Na iai le avanoa ou te fa'aaogāina ai se sui fa'alekulafono, lagolago tau 'āiga poo se uo e fesoasoani ia te a'u i fesili ma malamalama i le su'esu'ega.

Ua ou fiafia i tali na tu'uina mai e uiga i le su'esu'ega ma e maua la'u kopi mai le initaneti poo sa'u kopi pepa o lenei pepa o le maliega ma le pepa o fa'amatalaga i la'u lava gagana (Gagana Peretania, Gagana Maori, Gagana Samoa ma le Gagana Toga).

Ou te malamalama o le auai i lenei su'esu'ega e tu'uofo (o lo'u lava faitalia) ma e mafai ona ou ono alu ese mai le su'esu'ega i soo se taimi lava e aunoa ma se aafia ai o la'u galuega poo le tausiga fa'alesoifua mālōlōina.

Afai ae ou filifili ou te alu ese mai le su'esu'ega, ou te malie o fa'amatalaga na aoina e uiga ia te a'u e oo i le taimi na ou alu ese ai o le 'a fa'aauauina pea ona fa'aaogāina.

Ou te malamalama o lo'u auai i lenei su'esu'ega e fa'alilolilo ma e leai se vaega e ono fa'airoaina ai lo'u tagata o le 'a fa'aaogā i se lipoti o lenei suesuega.

Ua ou malamalama o iuga e fa'aigoa fa'apitoa i le taimi e iloiloina ai i Niu Sila ma o le 'a lafona i atunu mamao i Wake Forest University School of Medicine, Amerika.

Ua ou malamalama o fa'amatalaga e ono fa'asoaina atu i nisi su'esu'ega poo lesitala, poo ni lipoti mo fa'alapotopotoga e toe iloiloina le fa'aitiitia o le nikotini i oloa tau tapa'a, 'ae e leai se fa'amatalaga e fa'aaogāina o le 'a fa'airoaina ai a'u.

Ou te iloa le tagata e fa'afesoota'i pe 'a iai ni a'u fesili e uiga i le su'esu'ega lautele.

Ta'utinoga a le tagata auai: Ua ou malie ou te auai i lenei suesuega □

Afai e te malie i ai e te auai i le su'esu'ega, fa'amolemole filifili le "loe" i le pepa lesitala i luga o le initaneti, e fa'aali mai ai ua mae'a ona e faitau ma ua e ioe e te auai i le su'esu'ega.